

CICIKOANBADIEGU

BULICINA FASO

Taanma - Puginma - Teginma

GUFENEMA MASOAGINDO

BAALO KOANBALA TAANLI
JAGA DOAGIDIMA
(PP-G/TRANS N°014-2024)

Rimaliba Jan Emanuweli WEDARAGO

Li binli 2024, cinaa dana 25 daali, Bobo pó

Baalo Koanbala Taanli den kali Bobo
nani ban maani ki tiedi maama dana lele kuli,

li binli 2024, o ŋmaalo cinaa dana 25, alaamuda daali,

ki cili leeri 9 yogunu ki ban gbeni leeri 13 leni miniti 59.

Kapitenni Ibirayimi TARAWARE, yua n tie ti Diema Yudanciamo

leni a Koanbala Taanli Liigiyua

n den gobidi laa taanli

A Koanbala Taanli den noanli li daali mayula nni

ki taa a jaga, ki puni i laabaali,

ki dini bi niba a bala li tuonli po, ki puni u sanu bi niba

n gedi dietoama ti Diema yeli po.

I. A JAGA

I.1. YAA KOANBADIEGU N DIIDI TI DIEMA TINBUONA, KOMINNINBA GOBIDIMA TUONA LENI LI GUUNLI

A koanbala taanli taa **jagalie (02)**.

Li jagikpiali tuugi leni ban bogini yaa ñoamabonli ke li tuugi leni yaa tuonsoanjaali n tuuni ti diema nni yaa piama n ye ki tinga tiipo guunli (lan tie ONASIMI) mabilikaama tila.

Laa ñoamabonli tuugi leni li ñoamabonli n°2014-068 /PRESS/PM/MATS/MEF ban den taa yaali li binli 2014, cilie o dana 7 ke li tuugi leni yaa tuonsoanjaali n tuuni ti diema nni yaa piama n ye ki tinga tiipo guunli mabilikaama tila.

Laa ñoamabonli taama baa todi ONASIMI n baa mabilikaama tila ki fidi ki yaa tuuni o tuona ke li dagidi nani li ñoamabonli n°2014-613/PRES/PM/MEF 2014 ban den taa yaali li binli 2014, cilele o dana24, ke li tuugi leni baalo saliwuudi tuonsoandiedi mabilikaama tila.

Li jagilieli kani , bi puni u sanu ke ban piani li tuonli, ke laa tuonli tie baalo leni pia o bonla siiga taanisoanma ke bi yi laa sanbili PPP u juogu sanbili nni . Laa tuonpiankaali yegi leni ki teni i ligi, ki maa, ki go pugini ki tagi ya pasipoorinba n baa yaa tuuni leni a masina ki go pia pisi ki go baa yaa moobidi a tila.

A koanbala taanli tuo ke ban piani li tuonli yaa tuonsoanjaali n yi SHEN EMPEROR TECHNOLOGY COLTD ke laa tuonli fii **seefa ligi miliyaari piiga n bonbiyia leni miliyonba kobilele n piilie n bonbimuu leni tuda piiluoba n kobilie n kuyenga (19 725 060 201)** . Li tuonli baa waagi binamuu banlu.

I.2. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA

A koanbala taanli taa **jaga lie**

Li jagikpiali tie ke Risi diema tieni bu miabu ki bua ki soani bi tondo ke wan kali Bulicina Faso nni.

Laapo a koanbala taanli puni u sanu ke bi dini Igoori MAYETINOVI ke o tua Risi tondo Bulicina Faso nni ki baa yaa kaa Wagadugu dogu nni.

Li jagilieli tie ke Suwisi diema tieni bu miabu ki bua ki soani bi tondo Bulicina Faso nni.

Laapo a koanbala taanli puni u sanu ke bi dini Dominiki FAVERE ke o tua Suwisi diema tondo Bulicina Faso nni. O yekaanu baa yaa tie Abija, lan tie Kodivuari diema nni.

I.3. YAA KOANBADIEGU N DIE TI DIEMA LIGI LENI A TUONBOGINKAANA KANI

A koanbala taanli ñani ñoamabonli ki baa maa baalo tuonsoandiegu ke ku baa yaa tuuni li boginli sanbila nni ke li baa tua ti bonyugidi wubili findima kaanu leni yaa yandi n pia u paalu piliipuginma ke bi koabigi ku yeli ki tua SEMAPI.

Baalo den baa ti bonyugidi wubili findima kaanu leni yaa yandi n pia u fidu yaa kaanu, ki fidi ki baa yaa gaapo n dagidi ki tuugi leni li yanwubili n laadi yaa paka. Lani yaapo, laa tuonjalieda tuuni ki todi a liela a tuona nni ki tuugi leni li yanwubili findima sanbila nni.

Laa ñoamabonli taama baa todi baalo tuonsoandiegu yaagu n tuuni ti bonyugidi wubili findima leni yaa tuonsoandiegu n wubi yaa yandi n pia u fidu yen n taani ki tua tuonsoandieyengu. Ku baa todi i bonfuodi buoli wubidi findima.

I.2. YAA KOANBADIEGU N DIIDI MI TAGIMA TUONSOANDIEDI FINDIMA , U KPENDU TUONA LENI U NUU TUONSOANBANMA

A koanbala taanli taa **jaga taa**.

Li tiwaankakpiali tuugi leni ban bogini yaa ñoamabonli ke li maadi u kpendu tuona leni u nuu tuonsoanbanma (CN-PME) cagili ti diema nni tuona, yaa niba n ye laa cagili leni ban tuuni maama.

Laa ñoamabonli tie noamabonli n°2018-0034/PRES/PM/MCIA/MINEFID yaali ke bi den taa li binli 2018, ciyendo o dana 30 goafiidima ke li maadi u kpendu tuona leni u nuu tuonsoanbanma cagili tuona ti diema nni, yaaba n ye laa cagili nni leni lin tuuni maaama.

Laa ñoamabonli lebidipanma nne :

-Ki diidi a kpenkpenda tuonsoancaga miadi yaala n tie a luba leni duanni panpaani wadima.

-Ki gedini tuonsoandieciangu tidiandiegu a kpenkpenda tuonjaana findima tuonsoandieciangu kani.

Laa ñoamabonli taama baa todi balimaama n°10-2023/ALT ban den taa yaali li binli 2023, cilele o dana 18 daali, ke li tuugi leni yaa sanbila n baa tigrini a luba pama po

Li tiwaankalieli tuugi leni ban bua ki lebidi yaa balimabilikaama n°022-2010/AN, ban den taa yaama li binli 2010, cimuu o dana 11, ke laa balimaama lebidi balimaama n°015-2001/AN, yaama ke bi den taa li binli 2001 cilele dana 4,

ke laa balimaama puni u sanu baalo tuonsoanjaana n tua pia o bonla tuonsoanjaana.

Yaa guvenema n kaa moala po baa nunlema lani n tie ki guani ki pugini baalo paalu ki go ya diidi yaa tuonsoanjaana n tie jigi, ti ya baa diidi tin ye moala leni yaa yebiadima bi niba po. Lani yaapo, baalo taa li jagili ki guani ki gaa tuonsoanjaana taa pia o bonla nuu nni. Lani n tie yaa tuonsoandiegu n tuuni Bulicina Faso tingbangu tugu nni piama tuona, ke bi yi gu BIMISEBI, ki pugini yaa tuonjaali n diidi a lola laafialo lan tie SESEVEYA, leni yaa tuonjaali n tuuni a lola leni i biakaabi kpama leni gaasi tuona ke bi yi li SONABI.

A koanbala taanli puni u sanu ban soagini laa tiwaankaali depiteenba kani.

1.5. YAA KOANBADIEGU N DIE A BONWAALA COGU LENI TI MAAMAAMAAMA COGU LENI TI DIEMA MABUOLI FINDIMA TUONA

A koanbala Taanli tuo tiwaankaali yaali n tuugi leni yaa jaga n den taa a cogibila jiema leni a cogibila cogitiadi daama po yaali n yegi leni baalo n tendi yaa ligi komininba.

Yaala n yegi leni yaa lanbonli n bili ke a cogibiwaala cogu tie tilade ke panpani bakuli ki ye, leni yaa lanbonli n bili ke u cogu kuama leni u ñuadi tie yenme nili kuli po, Baalo den taa li jagili ki baa puuni a cogibiwaala ti cogibitiadi. Laa cogibitiadi tie Baalo n fidi ki ñani yaala baa ke li waa, ki baa todi Bulicina Faso cogibiwaala kuli bi cogidi po.

Ki taa ki pundi li binli 2023, piiga n cilie ñmaalo o 31 daali, kominni 336 yaaba n baa laa ligi siiga, kominni 36 bebe n fidi ki daa bi cobila jiema. Laa kominni 36 siiga, 06 mo n fidi ki kuani ban magi yaa jiema ñali ke u cogu daa goa ki luodi ama baa yeni kominño bakuli ki fidi ki bili laa jiema a cogidiena nni.

Yaali n tie cogibiga kuli n yen baa yaa cogibitiadi waamu mo, ki taa ki pundi li binli 2024, piiga n cililie nmaalo, 31 daali, kominni 351 nni, kominni 250 n fidi ki daa laa tiadi li cogibinli 2023-2024 cogikuama. Laa komininba siiga mo, 149 n fidi ki daa bi cogibila tiadi nali ke u cogu daa luodi.

Lan kuli doagidi ke li pundi bina baa ke bonla boncianla naa go cuoni nani li nunga. Leni laa paka po, a Koanbala Taanli taa li jagili ki sieni yaa ligi n koa komininba nni a cogibiwaala jiema leni bi cogibitiadi daama po.

Laa yantiali baa todi a cogibiwaala cogu Koanbadiegu n fidi ki bogini ki kubi nana Baalo n yen maani ki soani yaa ligi a cogidiena leni a cogibiwaala jiema leni bi tiadi daama po.

I.6. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA TUONA

A Koanbala Taanli nani **tiwaankaana luoba (06)**.

Li cici tiwaankaali tuugi leni noamabona lie ban bogini ya ke a yegi leni a cogibigbenga canbaanba tianba bala puginma bi tuonli nni Noribeeri Songo yaa Cogibigbenga cogidiegu kani.

Laa jaga taama baa teni ban fidi ki gagidi bala lie **(02)** ki nan go teni ban pugini cogicanbaanba lie **(02)** baabi Noribeeri Songo Cogibigbenga cogidiegu kani.

Li tiwaankalieli tuugi leni noamabona lie **(02)** ke yenli yegi leni a bala gagidima ke li noamabonlieli mo noadi leni Kaya yaa Cogibigbenga cogidiegu cogicanbaanba tianba baabi puginma. kani yaagu n tuugi leni Noribeeri Songo Cogibigbenga cogidiegu.

Laa jaga taama baa teni ban fidi ki gagidi yaa bala n ye ki dini cogicanbaanyendo Kaya Cogibigbenga cogidiegu kani.

Li tiwaankataali tuugi leni ñoamabona lie **(02)** ke yenli yegi leni a bala gagidima ke li bonlieli mo tie cogicanbaanba baabi puginma Nasi BONI Cogibigbenga cogidiegu kani.

Laa jagilieda taama baa teni ban gagidi bala lie **(02)** ki go teni ban pugini cogicanbaanba lie **(02)** baabi Nasi BONI Cogibigbenga cogidiegu kani.

Li tiwaankanaali tuugi leni ñoamabona lie **(02)** yaa n yegi leni a bala gagidima leni cogicabaanba baabi puginma Toma SANKARA Cogibigbenga cogidiegu kani.

Laa jaga taama baa teni ban fidi ki gagidi bala nii **(08)** ki go teni ban pugini cogicabaanba nii **(08)** baabi Toma SANKARA Cogibigbenga cogidiegu kani.

Li tiwaankamuuli tuugi leni ban bogini yaa ñoamabonli ki ñani cogicanbaanyendo li tuonli nni Noribeeri Songo Cogibigbenga cogidiegu kani.

O cogicanbaanciamo Musa JALO ban gedini yua Manga yaa Cogibigbenga cogidiegu yaa gu n tuugi leni Noribeeri SONGO Cogibigbenga cogidiegu yeni sani o tuonli kani ki cili li binli 2023, piiga n cilie ñmaalo dana 8 daali. Leni ban tieni i kpaani dajo nni ki baa tiadi o sienu kuli, o naa guani ñali ke ban bili opo yaa dana tuoni a bianu.

Laa jagili taama baa teni ban ñani o cogicanbaanciamo Musa JALO Baalo saliwuudo tuonli nni kelima o sani ki ñaa o tuonli, o lanba baalo tuonli nni tie **105 092 R.** Laa jagili tienli baa cili li binli 2024, citaa dana 2 daali.

Li tiwaankaluobili tuugi leni ban taa yaa ñoamabonli ki ñani cogicanbaancianba lie Toma SANKARA Cogibigbenga cogidiegu kani.

Laa cogicanbaancianliediba tie yaaba n sani ki ñaa bi tuona. Li tie :

- **TOWE** pua Aminata Buanpundi **TOGIYENI**, ke o tie yaaba n gobidi mi yema sanbila ñamu, ki bi tuuni a cogibigbenga cogidiegu yu n yi Ensititi iniverisiteri kani. O den mia mi fuodima ki go soagini o yuceli tuona ñali li binli 2022, piiga n cilo ñmaalo, 22 daali ki naa go gua taa o tuonli. Ama ñali wan mia yaa dana n pendi waa go guani. Bi den diani li tili ki waani o ñama o tuonli kani li binli 2022, ciyendo, 18 daali.

- Reliwende Apolineeri **NIKIEMA**, o tie cogibicanbaanciamo bu kpaabu sanbila nni, ki bi tuuni Dori Cogibigbenga cogidiegu yaagu n tuugi leni Toma SANKARA Cogibigbenga cogidiegu, o ñaa o tuonli hali li binli 2022, cipiiga danyenli.

Leni ban teni yaa kpaani kuli ki baa tiadi baa bi sienu, laa cogicanbaancianba naa guani ki baa taa bi tuonli.

Laa jagili taama baa teni ban ñani **TOWE** pua Aminata Buanpundi **TOGIYENI**, o lanba baalo tuonli nni **262 207 S** leni Reliwende Apolineeri **NIKIEMA**, o lanba baalo tuonli nni **391 933 F** Baalo saliwuudo tuonli nni kelima bi sani ki ñaa bi tuona ki cili li binli 2024, cilie, 17 daali.

1.7.A SANCENA, I DOGI NNI CENLI LENI U SANU GUUNLI TUONA KOANBADIEGU kani

A Koanbala taanli taa li jagili ke li tuugi leni Baalo n go gua ki gaa wan den biliti yaa ligi yaa cagili n didi ti biadi ñamu nni (CCVA) ban yii yaa tuonsoancagili Bulicina contoroli S.A. kani

laa jaagili taama baa teni Baalo n guani ki gaa wan piani yaala CCVA ke li pundi **boaga 21 738** yaa tuosoajaali ke bi yii li Bulicina kontoroli S.A. nuu nni.

1.8. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA KANI

A Koanbala Taanli ñani tiwaankayenli ke li tuugi leni laa koanbadiegu tuonsoangadikaana li binli 2024 po.

Li guunli poadima cuani o ñinkpankpagu yaa koajaana nni ke yaa niba n sani ki ñani naani n bia cua ki kali yeni. Laa ñinkpankpagu ye resiyonba bonciala nni, ki ban cie mo tie Hobasen resiyon nni leni Bukili Dimuwunni nni. Laa coagili po mi gaanilindima, mi ñima leni i yianbonfuodi bolinma tuona Koanbali sugini ki soani tuona boncianla yaala n baa paani tonma bi niba paka laa resiyonba nni. Li tie yaa

bonla kuli n tuugi leni mi ñima nani barasinba leni mi ñinɲanma tuonsoantiadi,
lan taani ki paagi bi niba pala ki go pugini bi juunli.

Li yaa tie ki sedi jama ki nan fidi ki koani ki gaa ti tinmuu, mi gaanilindima
koanbali go sugini ki baa ti tiadi yaa tuonsoanba n tuugi leni a minteela ki diidi li
fuali maama ke bi yi ba gaadiforinba po, ke lan todi baa bi gaanma nni ki nan go
dingi ban baa taa yaaba cancani bangima.

Laa tuona kuli ligi fii seefa ligi nni miliyaari piiga n bonbitaa leni miliyon
kobitaa n piimuu n yendo n tuda kobiga n piimaa n tuda yia n kobilele n
piimuu n kuumu taa n falini bonbitaa (k 13 351 149 753,3)

Laa ligi baa ña Baalo ligikpaagu li binli 2024 ligikuama nne leni yaa cagili ke bi
yii li DANIDA ke li tuugi leni ti diema leni Danemariki danligu yeli po.

II. I LAABAALITENKE

II.1. Yaa koanbadiegu n diidi baalo saliwuudo leni yaa tuonsoanba n gaani i nmapani yema njamu waani a Koanbala Taanli ke dunla 2024 binli o tuonsoanlo yanduama leni o laafiali o tuonli nni daali tiadima li nandunli, ki pugini li tuonli jalibo muali Afiriki dogi nni daali tiadima baa tieni.

Ban nani yaa mayula laa dana tiadima po nne :

O tuonsoanlo yanduama leni o laafiali o tuonli nni daali tiadima li nandunli kani li mayuli tie: « **u yogunu lebidima n kpendinni yaala o tuonsoanlo yanduama leni o laafiali po.** » ;

Li tuonli jalibo muali Afiriki dogi nni daali tiadima mo yaa muyuli tie: « **O tuonsoanlo yanduama leni o laafiali a tuonpaala nni : a nunfansanbila taama.** ».

Laa dana tiadima badu baa tieni li binli 2004, cinaa 30 daali Wagadugu po. Laa dana tiadima badu yogunu, li pia yaa tuona n baa soani ki tigini bi niba o tuonsoanlo yanduama leni o laafiali o tuonli nni po

Ban lingi yaala laa daali tiadima boginli po tie ki kuani bi niba yantiana nni ban baa li yankuali ki moa ki paani u tuonsoankaanu jalibo.

II.2. Yaa koanbadiegu n diidi ti diema loagu, i ligi leni a tuonboginkaana waani a Koanbala Taanli ke Bulicina Faso baa kali « nunga leni ki yaga » taanli, ban yi yaa cagili GAFI n bogini yaali Kapi Tawunni dogu nni, lan tie Afiriki Disiidi diema nni, li binli 2024, cimuu dana 6 hali o dana 16.

GAFI tie i dogi Gufenemaanba n taani ki kaani yaa tuonsoancagili ke lin yaa koani leni bu ligisubu, ki koani leni mi bibiadicianma todima leni i ligi, ki go faami ti toatiadi yaadi n baa fidi ki biidi boncianla n da yadi. Laa tuonsoancagili bigidi yogunu yogunu diema kuli tuona n cuoni maama yaala n tie mi bibiadicianma todima leni i ligi, leni ti toatiadi yaadima nni.

Li binli 2022 nni, laa tuonsoancagili den kuani Bulicina Faso yeli yaa dogi yaa balimaama n pundi ban faami mipo siiga. Bi den diani a tuonboginkaana ki baa todi wan pegidi ki ŋanbi yaala n bua pegidima kuli ki tuugi leni mi bibiadianma leni ti toatiadi yadima muali. Li binli 2022, piiga n cilie 31 daali n den tie ban den bili yaa yogunu ti diema po.

Mi pegidima yeni tuona nni, li bili ke ti diema yen baa diani a tuona tiwaankaali ki soani bi biigikaaba po. Li yaa puoli, bi biigikaaba baa diidi laa tiwaankaana ki juogi leni bi yaba « nunga leni ki yaga » taanli yogunu.

Li tiwaankaniili nni yaali ke Bulicina Faso baa teni li taanli yeni yogunu, baa teni ti diema n go doagidi o moandili wan taa yaa ñoaniani ke li tuugi leni a tuonboginkaana yeni kuanma. Lani n baa todi ban ñani ti diema yeli GAFI dogi yela nni.

II.3. Yaa koanbadiegu n diidi i sani tienma leni a diegbenga maama waani a Koanbala Taanli ke bi baa cili i sani tienma leni i ŋanbima Wagadugu leni Bobo dogi nni. Bi go baa goa ki ŋanbi yaa sanu n baa ña Moami ki gedi Orodora-Koloko ki ban dagini tinba leni Mali u banlu, ki cedi kun tua sanboanu.

Ti Diema Yudanciamo, Kapitenni Ibirayinmi TARAWORE n baa tugi a tuona cilima badu yuli. Laa badu baa tua li binli 2024, cinaa 26 daali Bobo dogu nni.

I sani tuona ligikpagu leni VISITA BANKI n baa ñani i ligi laa tuona kuli n fidi ki soani.

Laa tuonlieda n baa je yaa ligi fii **seefa ligi miliyaari bonbipiiyia miliyon kobimuu n piinaa n bonbinii n piilie n tuda lie n kobilie n piilie kuumu naa leni falini bitaa (90 548 022 224, 3).**

II.4. Yaa koanbadiegu n diidi li diemaali, ki tinga tila bonginma leni u yekaanu tuona waani a Koanbala Taanli mu tinboagidikaamu a dieduada po dunmu n kan mibidi yaa banlu moala.

Mi niyoma n pia yaa sani u yekaanu po tie a dieduankaana njamu n da maama leni njan maa ki se naani u dogu nni. Ba ke mu tinmu boagidima tieni i kaani boncianla, li pakili tie ke a dieduankaana poadi, ke mu tinmu mo yaa dunmu koani.

Laa pakili po, u koanbadiegu yeni den tieni mi lingima bi niba siiga ki baa bandi bi yaa tuo baalo n bili u yekaanu tinmu dunmu ki waani laa dunmu n kan mibidi yaa banlu. Mi lingima n mali yaala bontianla nne :

- ki taa yaa jagili n baa cedi ban diidi ki bandi li binli 2016 tinboagidu nni, yaaba n pia a paka coali u yekaanu tinmu po, lan todi ban fidi ki gbeni leni laa pakili;
- baalo n goa ki tugi li yuli u tinboagidu tuona nni a dieduankaana;
- u yekaanu tinboagidikaamu nannana kuanma a masina.

Laa jaga baa todi diedi boncianla n baa u sanu a dieduankaana baama po ke li yegi leni mi niyoma fidima n poa ki da naani.

III. BAN DINI YAABA A BALA

III.1. BAN DINI YAABA A BALA YUCELI TUONAA PO

A. BULICINA FASO BADIDIECIANGU KANI

- **SAMA** pua Mireyi Adelini **BIKABA**, o lanba baalo tuonli nni tie **92 325 R**, ke o tie diema leni mi yama danligu tuona bando; bi dini o li bali ke o tua ti diema Tondo yua baan kali Danemariki diema nni Bulicina yeli po.

- **BACIYONO** pua Sabinni **KANSIE**, o lanba baalo tuonli nni tie **59 726 X**, ke o tie diema leni mi yama danligu tuona bando; bi dini o li bali ke o tua ti diema Tondo yogunu kuli po, yua baan kali Suwisi diema nni, a ɲanduncaga yaa n ye Jenevi dogu nni kani, Bulicina yeli po.

B. YAA KOANBA DIEGU N DIIDI I LAABAALI, KU MAASUAGU, LENI YANLUADI GOADA TUONA

-Mahamadi **GANSONRE**, ke o tie minteeligbengili bi dini o li bali ke o tua Tundikoa, mi yanduanma tuona nni ;

- Aliban **KINI**, o lanba baalo tuonli nni tie **109 987 Y**, o tie Tundikoa mi laabaalitenma banma nni, bi dini o li bali ke o tua, mi laabaalitenma leni li tuonsoanjaana yudaanoduogili;

- **BATIYONO** pua Kirisitinni **NABALUMI**, o lanba baalo tuonli nni tie **250 571 Y**, o tie Tundikoa mi labaalitenma banma nni, bi dini o li bali ke o tua mi labaalitenma tuonsoanjaana findima yudaano;

- Mohamedi **SONBIE**, o lanba baalo tuonli nni tie **81 028 Z**, o tie u cogu saliwuudi diedi tiadi leni ti ligi kubilɔ, bi dini o li bali ke o tua a tuona boginma leni i ligi

kubima leni yi ñanma sanibila ñoadima yudaano, yaa tuonsoanjaali n diidi yaa maasuadi n baa fo ti nuboandogu Afiriki nni ;

- **NEYA** pua Noweli Okitavi **WEDARAGO** o lanba baalo tuonli nni tie **117 386 P**, o tie Tundikoa mi labaalitenma banma nni, bi dini o li bali ke o tua mi labaalitenma Santiri desiyon yudaano;

C. YAA KOANBADIEGU N DIIDI TI DIEMA TINBUONA, KOMINNINBA GOBIDIMA TUONA LENI LI GUUNLI

- Tuandaba Mariseli **KULIBALI**, o tie minteeligbengili, bi dini o li bali ke o tua mi tuonbanma Tundikoa ;

- Wenkuni Baritelemi **YANOGO**, o lanba baalo tuonli nni tie **111 487 C**, o tie polisi komiseeri, bi dini o li bali ke o tua polisinba tuonjaacianli yudaano todikoa;

-Lasana **BARIGO**, o lanba baalo tuonli nni tie **111 495 E**, o tie komiseri polisinba tuonsoanjaali kani, bi dini o li bali ke o tua polisinba tuonjaacianli yudaano todikoa;

- Barike Ibarayima **TALLI**, o lanba baalo tuonli nni tie **111 486 E**, o tie komiseeri polisinba tuonsoanjaali kani, bi dini o li bali ke o tua polisinba tuonjaacianli yudaano todikoa;

- Lasina **WEDARAGO**, o lanba baalo tuonli nni tie **111 496 R**, o tie komiseeri polisinba tuonsoanjaali kani, bi dini o li bali ke o tua polisinba tuonjaacianli yudaano todikoa;

- Seyidu **SANFO** o lanba baalo tuonli nni tie **211 705 Z**, o tie polisinba tuonsoanjaali komiseeri, bi dini o li bali ke o tua ti tiadi leni a tuona boginma ligiyuli canbaa polisinba tuonjaacianli kani ;

- Sayidu **WOBA**, o lanba baalo tuonli nni tie **46 843 H**, o tie polisinba komiseeri canbaanciamo, bi dini o li bali ke o tua polisinba tuonjaacianli tuonli gobidikoa;

- Dagnidoma Alfonsi **YODA**, o lanba baalo tuonli nni tie **217 558 C**, o tie polisinba tuonsoanjaali komiseri, bi dini o li bali ke o tua polisinba tuonjaacianli tuona goandikoa;

- Mariki **DACIO**, o lanba baalo tuonli nni tie **211 708 X**, o tie polisinba tuonsoanjaali komiseeri, bi dini o li bali ke o tua polisinba tuonjaacianli tuona goandikoa;

- Sebasien **SAWADOGO**, o lanba baalo tuonli nni tie **227 567 N**, o tie polisinba tuonsoanjaali komiseeri, bi dini o li bali ke o tua polisinba tuonjaacianli tuona goandikoa;

- Voubi **SIBA**, o lanba baalo tuonli nni tie **227 564 W**, o tie polisinba tuonsoanjaali komiseeri, bi dini o li bali ke o tua Kasikadi desiyon polisinba canbaanciamo,

- Yacuba **WATARA**, o lanba baalo tuonli nni tie **29 064 T**, o tie polisinba tuonsoanjaali komiseri, bi dini o li bali ke o tua Esi (dapuoli) desiyon polisinba canbaanciamo ;

- Faransua **SAWADOGO**, o lanba baalo tuonli nni tie **227 557 C**, o tie polisinba tuonsoanjaali komiseeri, bi dini o li bali ke o tua Santiri-Esi desiyon polisinba canbaanciamo ;
- Laaliba **SALANBANGA**, o lanba baalo tuonli nni tie **46 674 M**, o tie polisinba komiseeri canbaanciamo, bi dini o li bali ke o tua Santiri-Nori desiyon polisinba canbaanciamo ;
- Umaari **SULAMA**, o lanba baalo tuonli nni tie **24 453 H**, o tie polisinba komiseeri canbaanciamo, bi dini o li bali ke o tua Noori desiyon polisinba canbaanciamo ;
- Valanten **KABORE**, o lanba baalo tuonli nni tie **239 815 N**, o tie polisinba komiseeri canbaanciamo, bi dini o li bali ke o tua Santiri-Siidi desiyon polisinba canbaanciamo ;
- Sie Narisisi **PODA**, o lanba baalo tuonli nni tie **227 560 E**, o tie polisinba tuonsoanjaali komiseeri, bi dini o li bali ke o tua Kadiyogo porovensi polisinba canbaa ;
- Isufu **BELENMI**, o lanba baalo tuonli nni tie **46 802 B**, o tie polisinba komiseeri canbaanciamo, bi dini o li bali ke o tua Kpenpiena porovensi polisinba canbaa ;
- Bare Kawende Luki **KABORE**, o lanba baalo tuonli nni tie **91 032 K**, o tie polisinba komiseeri canbaanciamo, bi dini o li bali ke o tua Nawuri porovensi polisinba canbaa ;

- Olivie **BAGIMISANRE**, o lanba baalo tuonli nni tie **46 767 C**, o tie polisinba komiseri canbaanciamo, bi dini o li bali ke o tua Namantenga porovenssi polisinba canbaa ;

- Domesilenyuru Pasikali Jisilin **SOME**, o lanba baalo tuonli nni tie **283 341 M**, o tie polisinba komiseri canbanciamo, bi dini o li bali ke o tua Pasore desiyon polisinba canbanciamo ;

- Windilasida S. Risaari **BELEMI**, o lanba baalo tuonli nni tie **111 435 P**, o tie polisinba komiseeri canbaanciamo, bi dini o li bali ke o tua Seno porovenssi polisinba canbaa ;

- Parife **KADEBA**, o lanba baalo tuonli nni tie **57 545 T**, o tie polisinba komiseeri canbaanciamo, bi dini o li bali ke o tua Sundiwego porovenssi polisinba canbaa ;

Ban dini yaaba Perefenba bali Depatemaanba nni:

-Wigou **TIENDEREDEGO**, o lanba baalo tuonli nni tie **200 373 E**, o tie baalo saliwuudo komiciamo, bi dini o Tugan Depatema Perefefe bali, Suru porovenssi nni;

- **TIENDEREDEGO** pua Asiata **NANA**, o lanba baalo tuonli nni tie **260 534 C**, o tie baalo saliwuudo komi, bi dini o Bekui Depatema Perefefe bali, Tuyi porovenssi nni;

- Kaderi Tewodori Kisiwensida **ZUNGARANA**, o lanba baalo tuonli nni tie **312 228 R**, o tie baalo saliwuudo komi, bi dini o Budiri Depatema Perefefe bali, Gansurigu porovenssi nni;

- Sibiri **NEYA**, o lanba baalo tuonli nni tie **112 019 V**, o tie polisi tuonsoanlo, bi dini o Goromi-Goromi Depatema Perefe bali, Udalan porovenssi nni;

- Loseni polieli **WONI**, o lanba baalo tuonli nni tie **304 136 L**, o tie baalo saliwuudo komiciamo, bi dini o Jibo Depatema Perefe bali, Sunmi porovenssi nni;

D.YAA KOANBADIEGU N DIIDI TI DIEMA LIGI LENI A TUONBOGINKAANA

- Matie **NANA**, o lanba baalo tuonli nni tie **112 421 K**, o tie Baalo ligi tuonsoandiedi tuona bando, bi dini o li bali ke o tua li ligikubili tuona yudaano yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma kani .

E. BU KPAABU LENI LI YANWUBILI KOANBADIEGU KANI

- Mariseli **DA**, o lanba baalo tuonli nni tie **95 843 E**, o tie ti yandi lotociamo, bi dini o li bali ke o tua u loagu kubima 082 njoadima, yaali n tuugi leni ti « yandi noabima leni ti boaginma » yudaano , ki taani leni ti yandi noabima canbaanciamo bali.

F. YAA KOANBADIEGU N DIIDI U TAAYIENU, MI NIÑINGBADIMA, LENI KU DIEGU YEMA TUONA

- Rahitaba Desire Romen **KONPAWORE**, o lanba baalo tuonli nni tie **53 480 G**, o tie u taayienu tuona gobidikoa, bini o li bali ke o tua laa koanbadiegu jaga taama kaanu liigiyua ;

-Lidi **KONPAWORE**, o lanba baalo tuonli nni tie **105 322 R**, o tie Tundikoa yaa gagidima n ye bi jaba leni bi puoba siiga njanbima , bi dini o li bali ke o tua laa koanbadiegu tuona goandikoa;

- Reliwende Donali Parife **WEDARAGO**, o lanba baalo tuonli nni tie **55 821 G**, o tie u taayienu tuona gobidikoa, bi dini o li bali ke o tua todiyaba leni mi niñingbadima canbaanciamo ;

- Moyiisi **BADO**, o lanba baalo tuonli nni tie **116 770 D**, o tie cogugagidike canbaanciamo ; bi dini o li bali ke o tua todiyaba, mi niñingbadima, bi niba leni bi lieba mangima, yaa gagidima n ye bi jaba leni bi puoba siiga ṇanbima, leni ku diegu tuona tuonsoanjaali yudaano, Santiri-Nori desiyon nni;

- San-Polli **WEDARAGO**, o lanba baalo tuonli nni tie **109 118 S**, o tie u taayienu tuona gobidikoa, bi dini o li bali ke o tua todiyaba, mi niñingbadima, bi nuba leni bi lieba mangima, yaa gagidima n ye bi jaba leni bi puoba siiga ṇanbima , leni ku diegu tuona, tuonsoanjaali, yudaano, Esi desiyon (U Gulimu) nni;

- Soenabu **WEDARAGO**, o lanba baalo tuonli nni tie **358 956 S**, o tie Tundikoa yaa gagidima n ye bi jaba leni bi puoba siiga ṇanbima, bi dini o li bali ke o tua todiyaba, mi niñingbadima, bi nuba leni bi lieba mangima, yaa gagidima n ye bi jaba leni bi puoba siiga ṇanbima , leni ku diegu tuona, tuonsoanjaali yudaano, Bam porovensi nni;

- Polli **YARA**, o lanba baalo tuonli nni tie **325 043 R**, o tie cogigagidike canbaanciamo ; bi dini o li bali ke o tua todiyaba, mi niñingbadima, bi nuba leni bi lieba mangima, yaa gagidima n ye bi jaba leni bi puoba siiga ṇanbima, leni ku diegu tuona, tuonsoanjaali yudaano, u Gulumu porovinsi nni;

**G. YAA KOANBADIEGU N DIIDI MI TAGIMA TUONSOANDIEDI
FINDIMA, U KPENDU TUONA LENI U NUU TUONSOANBANMA**

- Siebu **SU**, o lanba baalo tuonli nni tie **119 824 W**, o tie Tundikoa i ligi tuona nni, bi dini o li bali ke o tua mi tagima tuonsoandiedi findima, u kpendu tuona leni u nuu tuonsoanbanma tuonsoanjaali yudaano, Santiri-Wesi desiyon nni;

**H. YAA KOANBADIEGU N DIIDI I SANI TIENMA LENI A DIEGBENGA
MAAMA**

- Mumuni **ILIBUDO**, o lanba baalo tuonli nni tie **216 124 W**, o tie a diegbenga maama canbaanciamo, bi dini o li bali ke o tua mu dobimu sanbimu tuona yudaano ;

**I. YAA KOANBADIEGU N DIE A BONWAALA COGU, TI
MAAMAAMAAMA COGU LENI TI DIEMA MABUOLI FINDIMA
TUONA**

- Ji **WANGO**, o lanba baalo tuonli nni tie **35 106 Z**, o tie a bonwaala cogicanbaanba gobidikaciamo, bi dini o li bali ke o tua li koanbali Tundikoa ;
- Tianbe **DIYOMA**, o lanba baalo tuonli nni tie **20 808 N**, o tie a bonwaala cogicanbaanba gobidikaciamo, bi dini o li bali ke o tua li koanbali Todikoa ;
- Mumunu **KONATE**, o lanba baalo tuonli nni tie **35 087 A**, o tie a bonwaala cogicanbaanba gobidikaciamo, bi dini o li bali ke o tua li koanbali Todikoa ;
- Musa **NICIEMA**, o lanba baalo tuonli nni tie **38 814 Y**, o tie u cogu saliwuudi diedi gobidikoa, bi dini o li bali ke o tua li koanbali Todikoa ;

J. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA TUONA

- Samu Asili **SENI**, o lanba baalo tuonli nni tie **48 654 N**, o tie u cogu saliwuudi diedi ligikubilo, bi dini o li bali ke o tua yaa tuonjaali n taani a jaga ti laafialo po ligikubili gobidikoa ;

- Wendinkonte **SEWOGO**, o lanba baalo tuonli nni tie **356 368 V**, o tie cogibigbenga cogicanbaa u loagu tuona mi findima po, bi pugini o baabi laa sanbili nni Kaya cogibigbenga cogidiegu kani, ki cili li binli 2023, piiga n ciyendo dana 18 daali.

Bi duoni yaa niba yaa yela n qua ne baabi ke bi tua Metiri deconferansi agere se Noribeeri SONGO iniverisite kani ki cili li binli 2023 piiga n ciyendo dana 18 daali:

- Roberi **YUGIBARE**, o lanba baalo tuonli nni tie **117 406 L**, o tie cogibigbenga cogicanbaa o nisaalo n pia yaa sani nni Noribeeri SONGO iniverisite, o baabi pugini laa cogitaali nni;

- umaru **SALE**, o lanba baalo tuonli nni tie **257 190 V**, o tie cogibigbenga cogicanbaa u loagu tuona mi findima po, o baabi pugini laa cogitaali nni ke o baa cogindi Noribeeri SONGO iniverisite.

Bi duoni yaa niba yaa yela n qua ne baabi ke bi tua Metiri deconferansi agere se Nasi BONI iniverisite kani ki cili li binli 2023 piiga n ciyendo dana 18 daali:

- Elivisi Filavien **SAWADOGO**, o lanba baalo tuonli nni tie **334 007 M**, o tie cogibigbenga cogicanbaa o nisaalo n pia yaa sani nni , o baabi pugini laa cogitaali nni ke o baa cogindi Nasi BONI iniverisite kani;

- Wendigilumide Añesi **ZABISONRE**, o lanba baalo tuonli nni tie **334 008 Y**, o tie cogibigbenga cogicanbaa u loagu cogu nni, o baabi pugini laa cogitaali nni Nasi BONI iniverisite kani.

Bi duoni yaa niba yaa yela n nua ne baabi ke bi tua Metiri deconferansi agirese Toma SANKARA iniverisite kani ki cili li binli 2023 piiga n ciyendo dana 18 daali:

- Babikigalaga Deni **AKUWERABU**, o lanba baalo tuonli nni tie **245 742 V**, o tie cogibigbenga cogicanbaa u loagu cogu nni, o baabi pugini laa cogitaali nni Toma SANKARA iniverisite kani;
- Somilanare Romialidi **KINDA**, o lanba baalo tuonli nni tie **262 204 S**, o tie cogibigbenga cogicanbaa u loagu cogu mi findima po, o baabi pugini laa cogitaali nni Toma SANKARA iniverisite kani;
- Salifu **WEDARAGO**, o lanba baalo tuonli nni tie **Mle 245 751 Z**, o tie cogibigbenga cogicanbaa u loagu kubili cogu nni, o baabi pugini laa cogitaali nni Toma SANKARA iniverisite kani ;
- Idirisa Kirisianba **WIMINGA**, o lanba baalo tuonli nni tie **241 753 Y**, o tie cogibigbenga cogicanbaa u loagu kubili cogu nni, o baabi pugini laa cogitaali nni Toma SANKARA iniverisite kani;
- Usimani **TARAWORE**, o lanba baalo tuonli nni tie **245 759 R**, o tie cogibigbenga cogicanbaa u loagu cogu yaala n tie bi niba gobidima li tuonli nni, o baabi pugini laa cogitaali nni Toma SANKARA iniverisite kani ;
- Ñiduba Rose **LANU**, o lanba baalo tuonli nni tie **271 353 F**, o tie cogibigbenga cogicanbaa o nilo n pia yaa sanbila a luba tenma nni, u kpendu nni leni li bontagikaala tuona nni cogu nni, o baabi pugini laa cogitaali nni Toma SANKARA iniverisite kani ;

- Reliwende Luwi Marisiali **SONGO**, o lanba baalo tuonli nni tie **348 112 C**, o tie cogibigbenga cogicanbaa a bala maama cogu nni, o baabi pugini laa cogitaali nni Toma SANKARA iniverisite kani ;
- Wendinkonté Silivi **SONGO**, o lanba baalo tuonli nni tie **231 942 C**, o tie cogibigbenga cogicanbaa o nilo n pia yaa sanbila cogu nni, o baabi pugini laa cogitaali nni Toma SANKARA iniverisite kani.

K. YAA KOANBADIEGU N DIIDI I DOCIAMI TINBUONA BOGINMA, LENI MI TINFANMA LENI A DIEDUANKAANA DANTAADI

- Sidiki **SANU**, o lanba baalo tuonli nni tie **59 691 L**, o tie bi niba gobidikoa, bi dini o li bali ke o tua laa koabadiegu tuona goandikoa ; o lebidi San-Pooli **KABORE** ;
- Monhouo **KANBIRE**, o lanba baalo tuonli nni tie **52 857 U**, o tie u cogu saliwuudi diedi ligikubilo, bi dini o li bali ke o tua laa koabadiegu tuona goandikoa ;
- Tegawende Alifredi **SENPORE**, o lanba baalo tuonli nni tie **52 964 T**, o tie bi niba leni ti tuonsoandiedi gobidima bando, bi dini o li bali ke o tua laa koanbadiedi leni a sanbipaana findima tuona yudaano.

L. YAA KOANBADIEGU N DIIDI KU GBANANSAAGU JELITI TUONA, LENI BI NIPANBA LENI A TUONA MAAMA

- Rasimane **SAWADOGO**, o lanba baalo tuonli nni tie **34 298 U**, o tie kolesi cogicanbaa, bi dini o li bali ke o tua li Koanbali todikoa a tuona nni;
- Amadu Tidiani **YINYIN**, o lanba baalo tuonli nni tie **112 498 B**, o tie Baalo ligidiegu canbaa , bi dini o li bali ke o tua o yudaano « **tuonceli ligi bilima**

ligikpaku u nuu tuona cogu findima po » ki pugini leni wan bi mali ki pia yaa bali ki tie ligikubili gobidikoa;

- **BADOLO** pua Wendijete Valeri **TAPSOBA**, o lanba baalo tuonli nni tie **208 171 J**, o tie u gbanansaagu cogicanbaa, bi dini o li bali ke o tua u gbanansaagu tuona yudanciamo;
- Ibirayimi **SERE**, o lanba baalo tuonli nni tie **300 510 W**, o tie u gbanansaagu lotociamo, bi dini o li bali ke o tua ti diema gbanansaagu lotodieciangu yudaano ;
- Patowinsanba Vivien **TIENDEREBEWOGO**, o lanba baalo tuonli nni tie **55 729 P**, o tie Baalo ligidiegu canbaa, bi dini o li bali ke o tua ligikubili gobidikoa, yanbuama tuonsoanla tuonjaali Bulicina Faso nni ;
- **ZERBO** pua So Aminata **SANU**, o lanba baalo tuonli nni tie **272 938 H**, o tie Baalo ligidiegu canbaa, bi dini o li bali ke o tua ligikubili gobidikoa ti diema tuoncagili yaali n diidi a tuona leni mi bangima ;
- Idirisa **BOLI**, o lanba baalo tuonli nni tie **58 672 X**, o tie Baalo ligidiegu canbaa, bi dini o li bali ke o tua ligikubili gobidikoa Bulicina Yîn-Wisgr Meta (B.Y.M) tuonsoancagili;
- Djakalia **WATARA**, o lanba baalo tuonli nni tie **226 247 S**, o tie bi niba leni ti tuonsoandiedi gobidima bando, bi dini o li bali ke o tua Bulicina Yîn-Wisgr Meta (B.Y.M) tuonsoancagili tuonsoanba gobidikoa.

M. KOANBADIEGU N DIIDI A SANCENA LENI I DOGI NNI CENA TUONA

- **BANKA** pua Anisa Adelayidi Alimatu **KADIYOGO**, o lanba baalo tuonli nni tie **265 870 A**, a sancena tuona bando, bi dini o li bali ke o tua a sancena tuona yudaano;

- Nicodemi **WEDARAGO**, o lanba baalo tuonli nni tie **208 068 W**, o tie Baalo ligi tuonsoandiedi tuona bando, bi dini o li bali ke o tua nommé Directeur des marchés publics ;
- **DIALA** pua Lusi **SONGO**, o lanba baalo tuonli nni tie **229 959 N**, o tie baalo saliwuudo komi ciamo, bi dini o li bali ke o tua a sancena leni i dogi nni cena tuona Yudaano Santiri-Esi desiyon nni.

III.2. YAABA N BAA A BALA TUONJAALI YELI PO

A koanbala taanli pia lin dini yaaba a bala ke ban tua tonda a tuonjaana nni li tuonli po:

- ti diema ligidiegu yaagu n tuuni bi niba yema guudima po kani yaa koanbadiegu n diidi baalo saliwuudo leni yaa tuonsoanba n gaani i nmapani yema njamu po yeli po;
- yaa tuonsoandiegu n tiedi mu nunmu tila, lan tie ONI, yaa koanbadiegu n diidi ti diema tinbuona, kominninba gobidima tuona leni li guunli yeli po;
- Kamegi ñoagidiegu kani yaa koanbadiegu n diidi laafia leni i kaani nangu tuona yeli po;
- SIAWO, lan tie u nuu tuonbanma badu diegu kani, yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli po;

- a cogibila tila tienma tuona tuonsoandiegu kani, yaa koanbadiegu n die a bonwaala cogu leni ti maamaamaama cogu leni ti diema mabuoli findima tuona yeli po;
- yaa tuoncagili n puuni i tundi li tanmaali leni a tuongbenga tuona kani, u koanbadiegu yaagu n diidi li diemaali, ki tinga tila bonginma leni u yekaanu tuona yeli po;
- Bulicina Suudu Bawude kani, koanbadiegu n diidi ku gbanansaagu jeliti tuona, leni bi nipanba leni a tuona maama yeli po.

A koanbala Taanli go gandi SIAWO, lan tie u nuu tuonsoanbanma badu tuonsoandiegu gobidikaaba yudaano.

- A Koanbala Taanli go gandi o ligidiegu yu yaa kani ke bi biliti i ligi a tuongbenga po gobidikaaba liiga yua, yaa koanbadiegu n diidi ti diema loagu, i ligi leni a tuonboginkaana yeli po.

**A. YAA KOANBADIEGU N DIIDI BAALO SALIWUUDO LENI YAA
TUONSOANBA N GAANI I DMAPANI YEMA DAMU**

A Koanbala Taanli ñani ñoamabonli ki goa ki pandi Viye Abiduli Rachidi **SULAMA** tuonli ti diema ligidiegu yaagu n tuuni bi niba yema guudima po kani bina taa (03) po mi juodima, yaa koanbadiegu n diidi ti diema loagu, i ligi leni a tuonboginkaana yeli po. O lanba baalo tuonli nni tie **58 436 H**, ke o tie Baalo ligi tuonsoandiedi tuona bando.

**B. YAA KOANBADIEGU N DIIDI TI DIEMA TINBUONA, KOMINNINBA
GOBIDIMA TUONA LENI LI GUUNLI PO**

A koanbala taanli taa li jagili ki dini Porisanga Sayibu **TARAWORE**, o lanba baalo tuonli nni tie **238 007 H**, o tie baalo saliwuudo komiciamo, o tua Baalo tondo mu nunmu tila tuonsoandieciangu, lan tie ONI kani, yaa koanbadiegu n diidi ti diema tinbuona, kominninba gobidima tuona leni li guunli po yeli po, bina taa (03) po mi tabuakpiama nni .

**C. YAA KOANBADIEGU N DIIDI TI DIEMA LOAGU, I LIGI LENI A
TUONBOGINKAANA**

A koanbala taanli taa li jagili ki dini Kunbelaara Inosan **YIYEN**, ke o tie i ligi tuona cenli bando, bi gandi o ke o baa yaa gobidi yaa cagili n diidi ti diema ligidiegu ban biliti i ligi yu yaa kani a tuongbenga po kani, bina taa (03) po mi kpiama.

D. KOANBADIEGU N DIIDI LAAFIA LENI I KAANI ƁANGU TUONA

A Koanbala Taanli gandi yaa niba n tie ne ban tua tonda ti diema ñoagidieciangu KAMEGI kani ban yaa gobidi ku tuona bina taa po mi kpiama.

BAN GANDI YAABA BAALO YELI PO

Bulicina Faso Badidieciangu kani:

- Rañangi-newende Isidori **TIEMITORE**, o lanba baalo tuonli nni tie **56 719 C**, O tie Baalo ligidiedi canbaa.

Ku cicikoanbadiegu kani:

- **SANON** pua Mariti Sandirini **LOMPO**, o lanba baalo tuonli nni tie **97 468 K**, O tie lotociamo.

Yaa koanbadiegu n diidi laafia leni i kaani ɗangu tuona :

- Sakariya **YABIRE**, o lanba baalo tuonli nni tie **108 954 P**, o tie bandiciamo i lotoñoagidi nni;
- Seromi Nategewende **NANA**, o lanba baalo tuonli nni tie **56 550 E**, o tie lotociamo ti madi sanbila nni.

Yaa koanbadiegu n diidi ti diema loagu, i ligi leni a tuonboginkaana:

- Sayidu B. **JALO**, o lanba baalo tuonli nni tie **228 312 W**, o tie Baalo ligi tuonsoandiedi tuona bando.

Yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma:

- Siebu **SU**, o lanba baalo tuonli nni tie **119 824 W**, o tie u loagu tuona bando.

Yaa koanbadiegu n diidi ti diema tinbuona, kominninba gobidima tuona leni li guunli:

- Nubeya Imuwen Nina Ogusitini **SONMIDA**, o lanba baalo tuonli nni tie **229 880 A**, o tie baalo saliwuudo komiciamo.

Yaa koanbadiegu n die ti diema guudima tuona leni a minteelikpela maama:

- Jan Eme Desire **BAKIYONO**, o tie minteeligbengili lotoli.

BAN GANDI YUA KAMEGI ÑOAGIDIECIANGU TUONSOANBA YELI PO

- **SIRI** pua Ani Karoli **BENON**, o lanba baalo tuonli nni tie **00 71**, o tie kpenkpendicanbaa.

E. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

A Koanbala Taanli taa **jaga lie (02)**.

Li jagikpiali gandi yaa niba n nua ne ban tua tonda u nuu tuonbanma kaanjigi Wagadugu kani lan tie **SIAWO**. Laa niba baa li bali ki kua **SIAWO** Gobidikaaba cagili nni mi kpiama bina taa **(03)** po.

BAN GANDI YAABA BAALO YELI PO

Yaa Koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma kani:

- Alasani **WEDARAGO**, o lanba baalo tuonli nni tie **111 319 H**, o tie u loagu tuona bando. O lebidi Mahamadi TASANBEDO laa kaanu.

Yaa Koanbadiegu n die i laabaali, ku maasuagu, leni yanluadi goada tuona kani:

- Bernard **KABORE**, o lanba baalo tuonli nni tie **216 782 V**, o tie yanluadi goada tuonsoandiedi canbaa.

Yaa Koanbadiegu n diidi ku gbanansaagu jeliti tuona, bi nipanba leni a tuona maama:

- **NAPON** pua Loransia **SANU**, o lanba baalo tuonli nni tie **117 344 B**, o tie bi nipanba tundikoa.

BAN GANDI YUA YAA TUONSOANJAALI N TUUNI KI BAA FINDI BULICINA TIAKUADU NIINPO YELI PO

- **YAMEWOGO** pua Asetu **TARAWORE**, o lanba baalo tuonli nni tie **90 118**, o tie u loagu tuona bando.

Li jagilieli gandi Alasani **WEDARAGO**, o lanba baalo tuonli nni tie **111 319 H**, o tie u loagu tuona tundikoa, ki dini o li bali wan tua u nuu tuonbanma kaanjigi Wagadugu kani lan tie **SIAWO** gobidikaaba cagili liigiyua mi kpiama bina taa (03) po. O lebidi Mahamadi TASANBEDO laa kaanu.

**F. YAA KOANBADIEGU N DIE A BONWAALA COGU LENI TI
MAAMAAMAAMA COGU LENI TI DIEMA MABUOLI FINDIMA
TUONA**

A koanbala taanli taa **jaga lie (02)**.

Li jagikpiali kani bi gandi Ragida-Amali **NAPON**, o lanba baalo tuonli nni tie **23 24 272 F**, o tie ligikubilo, ke wan kua yaa tuonsoandiegu n tuuni a cogibila tila tienma Gobidikaaba cagili nni bi tuonsoanba yeli po, bina taa (03) siiga mi kpiama.

Li jagilieli kani, bi gandi yaa niba n tie ne ki kuani ba yaa tuonsoandiegu n tuuni a cogibila tila tienma Gobidikaaba cagili nni, baalo yeli nni bina taa (03) po mi taabuajuodima.

Yaa koanbadiegu n die a bonwaala cogu leni ti maamaamaama cogu leni ti diema mabuoli findima tuona kani:

- Evarisi Mari Wendiyanmi **JIBIRE**, o lanba baalo tuonli nni tie **36 120 J**, o tie Kolesi canbaanba gobidikoa.

Yaa koanbadiegu n diidi a cogibigbenga cogu leni mi bancanma linginma tuona kani:

- Ileri **SOMIDA**, o lanba baalo tuonli nni tie **45 069 H**, o tie Kolesi cogicanbaa.

**G. YAA KOANBADIEGU N DIIDI LI DIEMAALI, KI TINGA TILA
BONGINMA LENI U YEKAANU TUONA**

A koanbala taanli taa li jagili Simon **WEDARAGO** po, o lanba baalo tuonli nni tie **45 543 H**, o tie u cogu saliwuudi diedi gobidikoa. Bi goa ki soagini o tuonli ke wan yaa tie baalo tondo yaa tuonjaali n puuni i tundi ki go gaani a tuona li diemaali leni u dogu nni tinfaama tuona kani, yaa koanbadiegu n die a bonwaala cogu leni ti maamaamaama cogu leni ti diema mabuoli findima tuona yeli nni. O baa ya tuuni laa tuonjaali gobidikaaba cagili nni bina taa (03) siiga mi taabuajuodima.

**H. YAA KOANBADIEGU N DIIDI KU GBANANSAAGU JELITI
TUONA, LENI BI NIPANBA LENI A TUONA MAAMA**

A koanbala taali gandi yaa niba n tie ne ki kuani ba yaa tuonjaali n yi Bulicina Suudu Bawude gobidikaaba cagili nni bina taa (03) po mi taabuakpiama.

**BAN GANDI YUA TI DIEMA NNI PIA-O-BONLA TUONCAGA
BONDANBA YELI NNI**

Seyidu **TARAWORE**, o tie u loagu tuonboginkoa.

BAN GANDI YUA BI TUONSOANBA CAGA BULICINA NNI YELI PO

- Barinabe **BAYANMA**, o lanba SONABELI tuonli nni tie **79 98**, o tie kuran tuona bandiciamo.



www.sig.gov.

Le Porte-parole du Gouvernement,



Rimtalba Jean Emmanuel Ouedraogo

Officier de l'Ordre de l'Étalon